

春愁

春歸紅袖招，倦起疏畫眉。
意懶心寂寥，獨坐不勝悲。
綠楊烟如紗，花落聲相催。
徑曲隱叢竹，屋舍埋古槐。
閨深鎖窈窕，珮冷魂魄飛。
紅顏日憔悴，聞者同歔歔。

夜半雨聲驚夢有感

屋外更深伴月寒，明窗獨坐待星殘。
梧桐細雨紛飛落，淚滴春衫夢已闌。

秋夜即事

枕上輕寒朝復暮，苔深點點綴西樓。
窗前冷落孤燈滅，月下清秋寂夜愁。
杜宇香魂悲泣血，瀟湘竹影淚凝眸。
韶華一去空留恨，猶記多情幾未休。

秋夕寄懷

銀輝斜入戶，萬籟闐無言。
日沉吟風館，星懸落月軒。
推窗搖燭影，攬鏡倚重門。
凝淚期音返，愁思欲斷魂。